



Brev dato: 05-04-2019
Sagsnr. 2019 - 7927
Akt. nr. 10445714

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: nap@nanoq.gl
www.naalakkersuisut.gl

Inatsisartunut Ilaasortaq
Pele Broberg, Partii Naleraq
/Maani

Forsvar-ip Kangerlussuarmi Mittarfimmik atuinera pillugu § 37 naapertor- lugu apeqquteqaammut 2019- 154-imut akissut.

Asasara Pele Broberg,

Ulloq 22. marts 2019 §37 aqqutigalugu normu 154 Kangerlussuup Mittarfia pillugu
Illersornissaqarfiup atuinera pillugu Naalakkersuisunut apeqquteqaateqarputit.

Akissuteqaatissannut apeqqutit innersuunneqarput.

**Apeqqut 1: Qanga Danmark-ip Naalagaaffiata ingerlatsiviisa arlaanniit
(soorlu Naalakkersuisuisuiniit, sakkutooqarfianiit il. il.) Namminersorlutik
Oqartussanut arlaannut (soorlu Naalakkersuisut, Naalakkersuisoqarfiit il. il.)
Kangerlussuup mittarfiata atuutinnaarnissaa siullerpaamik
saffiginnissutigineqarnikuua, tamannalu saaffiginnissut qanga
Naalakkersuisunut arlaannut siullerpaamik paasissutigineqarnikuua?
Piffissat ersareqqissaartut piumaneqarput isertuussisoqassappallu
tunngaverpiaannik nassuiaassisoqarnissaa piumaneqarpoq.**

Akissut:

Ilisimatitsissutigineqarsinnaavoq Nuummi aamma Ilulissani nunanit tamalaanit
mittarfiit kiisalu Qaqortumi nunap immikkoortuani mittarfiup sananeqarnissaanut,
ingerlanneqarnissaanut aningaasalersorneqarnissaannullu killiliussatut
piumasaqaatit pillugit Inatsisartut inatsisaat pillugu Inatsisartut
aalajangeereernerisa kingorna danskit naalakkersuisui Naalakkersuisunut
ilisimatitsissutigigaat Illersornissaqarfik Kangerlussuarmiiginnarusulluni
kissaateqartoq.

Soorlu Ineqarnermut Angallannermullu Naalakkersuisup §37 aqqutigalugu normu
148-2019 akissuteqaataani danskit naalakkersuisui Naalakkersuisullu
Illersornissaqarfiup Kangerlussuarmiiginnarusunnera pillugu kingunerisinnaasai
iluaqutigisinnasaalu qulaajaaffiginarlugit suleqatigiinnissartik
isumaqatigiissutigisimavaat. Tamatuminnga Inatsisartut Qeqqatalu Kommunia
ilisimatinneqarnikuupput, aammalu 2019-imi martsip 21-ani tusagassiutinut
nalunaarutinit oqaluserineqarpoq. Tusagassiuutinut nalunaarut Naalakkersuisut
nittartagaani takuneqarsinnaavoq.

Ilisimatitsissutigineqarsinnaavoq Illersornissaqarfiup
Kangerlussuarmiiginnarusulluni saaffiginnissutaa siulleq 2018-imi decemberip
qiteqqunnerani tiguneqarmat, aammalu danskit naalakkersuisuisa

pisortatigoortumik saaffiginnissutaa 2019-imi februarimi Naalakkersuisunit tiguneqarmat.

Apeqquut 2: Danmark-ip sakkutooqarnermut ingerlatsivia Forsvaret piunasaqarpat, uani soorlu Kangerlussuup atuutiinnarnissaanut, piunasaqaataanut Naalakkersuisut arlaatigut soorlu imatut ittunik itigartitsisinnaanermut oqartussaassuseqarpat?

Akissut:

Apeqquut siammasissoq piviusorsiuunngitsorlu pineqarpoq, taamaattumillu paatsuugassaannngitsumik akissuteqarfigisinnaanera pisinnaanani.

Tassungali atatillugu uunga apeqquummut akissuteqaat 1 illersornissaqarfiup Kangerlussuuarimiinnarnissaa pillugu kingunerisinnaasai pillugit Naalakkersuisut danskillu naalakkersuisuisa suleqatigiinnissamik aallartitsinerat innersuussutigineqarpoq.

Apeqquut 3: Naalakkersuisut Kangerlussuup mittarfiata inuinnarnut suli atuutsinneqarnissaa paatsuugassaannngitsumik angorusuppaat?

Uani ullumerpiaq Naalakkersuisut isumaat kisiat tusarneqarusuppoq.

Akissut:

Soorlu Ineqarnermut Angallannermullu Naalakkersuisup §37 aqutigalugu normu 148-2019 akissuteqaataani ilisimatitsissutaareersutut Kangerlussuup siunissaa pillugu suleqatigiissitamik pilersitsisoqarnikuuvoq. Naalakkersuisut Qeqqata Kommuniatalu ukioq manna januarimi akuersissutigisaannik suleqatigiissitat sulinerminni suliassap nassuiaataa aallaavigalugu sulineq ingerlatissavaat. Suliassap nassuiaataa Naalakkersuisut nittartagaanni takuneqarsinnaavoq. Taakku saniatigut oqaatigineqareersutut danskit naalakkersuisui Naalakkersuisullu Illersornissaqarfik Kangerlussuuarimiinnassagaluarpat kingunerisinnaasai iluaqutigisinnasaalu qulaajaaffiginarlugit suleqatigiinnissartik pillugu isumaqatigiissuteqarput.

Kangerlussuup siunissami atorneqarnissaa pillugu oqaaseqarnissamut tunngavissaqarniarluni maanna qulaajaanermik suliaqarnerup inernissaa utaqqimaarneqaaqqaartariaqarpoq.

Inussiarnersumik inuulluaqqusillunga
Med venlig hilsen


Ane Lone Bagger